

國
朝
詞
綜
補

國朝詞綜補卷四十

無錫丁紹儀杏舫

沈兆霖

四首
補詞

莊縉度

四首
補詞

余遂生

二首

黃玉階

二首

朱守方

二首

何紹基

二首

承齡

五首

姚斌桐

一首
補詞

高錫蕃

一首
補詞

周祖銜

一首

呂倌孫

一首

吳嘉淦

四首
補詞

如山

二首
補詞

石贊清

二首

孫超

六首

姚輝第

十二首

湯用中 一首

呂洪 一首

陳其泰 一首
補詞

吳敬幾 一首
補詞

戚貞 二首

沈兆霖

字明亭錢塘人道光十六年進士官陝甘總督諡文忠

洞仙歌

重九後一日渡淮

蒲帆一葉倩輕風吹去萬疊鞞紋織秋浦更魚簪冷落
釣艇橫斜早圖就紅樹青山行旅長堤留線影堤外
迷漫幾點疏煙辨村塢贏得水雲寬荻葦零星但添了
野鷗沙鷺歎彌望原空稻梁稀聽一片酸聲雁投荒渚

長亭怨

冬柳

再休問東風前事寂寞河橋一寒如此數尺殘絲未全
搖落尙淹滯雪花飄處人共說楊花似恁不向江潭重
認取三眠三起已矣慨長條折盡總爲管人離思徐
娘老去早眉黛眼波難記但記得丁屬東君道千萬早
成歸計更欲問春江昨夜寒梅花未

齊天樂

題孫月坡青溪水榭唱和詞

天涯多少消魂客當年半稱同調自踏紅塵輕離白社
雲際來鴻都杳頭顱雪皓怪十載蘇臺未知莘老握手
江州旅窗茶話幾曾料青溪那家水榭喜凌空結構
波綠縈繞勝侶無多前身淮海共譜微雲衰草披吟贈

稿正北渡潯陽片帆風峭會合緣慳又匆匆別了

百字令

吳門長春里爲宋殿直吳應之故居吳有姬名紅梅因以名閣作折紅梅詞傳於世劉君泖生賃居其地繪古紅梅閣圖徵詞賦此奉贈

繡簾珠押認當時綺閣依稀猶峙不見吳生留秀句錦
瑟空傳芳字頰更多姿醉能添暈只許紅兒比花開依
舊玉容曾否還似幸有貢父清才勾留小住拂拭書
裙几月色儘教分趙宋試問桃根迎未翠袖深盃綠腰
響板可許風流繼我如君玉折梅一曲須寄

莊縉度

字眉叔陽湖人道光十六年進士官戶部主事有迦齡詞

采桑子

和曹良甫落花原韻

惜春無計留春住
衣冷香篝花撲簾
鉤萬種新紅裏亂
愁飄零不信隨流水
飛上釵頭點入茶
甌夢裏斜陽
隔畫樓

喝火令

題潘紱庭山抹微雲館圖

冶綠圍書幌
鶯紅亞畫廊
水晶簾底見斜陽
卻好遠山眉黛飛到鏡臺旁
舊雨懷京洛
微雲憶壻鄉
翠屏珠箔漫焚香
應有瓊簫應有玉笙囊
應有雙聲吟出驚起紫鴛鴦

疏影

綠陰和潘紱庭

青藤老屋有蛛絲
壓徑織做濃綠
半壁蒼苔和雨和煙

惜情飛滿簾竹花香攪入茶甌嫩裊不透紅窗紗薄更
修篁翠潑層層罩住畫闌干角 猶記晚涼院宇月痕
已半吐纖影斜落篩破清輝一碧零星擲碎冷螢十斛
手拈紈扇招涼坐涼瘦了鬢邊釵玉步瑤階匝地湘雲
生怕鳳尖低蹴

金縷曲 和顧菴塘明府

九陌黃塵淺向長安車如流水馬如飛電昨日斜陽今
日雨做盡淚絲花片恐誤了鬱金雙燕如此樓臺春世
界悵紅襟只繫佳人線尋舊夢畫梁遠 幽篁掩露珠
千點伴深閨一雙翠袖暗愁難遣試問天邊眉樣月去

照誰家庭院且莫咏秋風團扇製就齊純光皎潔便攜
來障得凝酥面研妙墨好題徧

余遂生

原名曜莼字蘭谷上猶人道
光十六年進士官巴縣知縣

洞仙歌

丁子杏胎感時記事愛以豔詞寫之近倚
此調索和輒爲繼聲正恐索解人不易耳

蘭湯浴罷喜新涼無汗茉莉香堆兩鬢滿正紅霞斂彩
白鳥潛踪賸幾點穿幔流螢光閃不須銀燭照解事

姮娥早擁冰輪挂霄漢庭宇靜悄悄簾角風來已不覺
蓮籌頻轉恐秋信先期暗中來漸寒襲瓊肌薄羅須換

雙雙燕

秋燕

西風簾幙看弱羽翩翩尙相追逐記從芳渚悄把亂紅

輕蹴彈指流光何速早換了楓丹桑沃海天歸路茫茫
何處更容雙宿冷落玉樓金屋正對語呢喃相依漸
熟璇闌此後應是暗傷幽獨幾度倚闌遙矚又誰與商
量寒燠還期隔歲來尋好把舊巢重築

黃玉階

字蓉石番禺人道光十六年進士官刑部主事有謫蘇室詞

法駕導引

游仙夢游仙夢伉儷見情真葛鮑雲端攜手過隨行仙
蝶大於輪圍繞藕絲裙

又

游仙夢游仙夢字字護煙雲寄語彩鸞休浪寫人閒韻

學久翻新舊本已千春

朱守方

字漱芳山陰人道光十六年進士官學士

金縷曲

題高越垞書畫舫詩課集

第一風騷主結詩盟批風抹月西冷小住秋水盈盈秋
樹底搖出米家柔艣喜招得鷗朋鷺侶銀葉香牋新擘
就看揮毫都作花飛舞爭什襲錦囊句百年樊榭今
何許賴先生輪扶大雅吟壇高據揮灑煙雲渾不倦硯
北幾經寒暑更寄我江中魚素量取珠璣真滿斛奈雕
蟲薄技難爲數歌下里請君顧

醉太平

秋夜戲用獨木橋體

鄰獨吠聲池魚躍聲蕭蕭葉墮聲閒空梁鼠聲沈

沈鼓聲寥寥磬聲小樓橫笛聲聲技長街柝聲

何紹基

字子貞道州人道光十六年進士官編修有東洲草堂詞

卜算子

用東坡韻

篷背雪聲簾且閉篷窗靜兩岸青山怎得青夢見青山
影 盟罷卽呼樽此意憑誰省對酒無端百感生酒罷
翻饒冷

水調歌頭

上元日雷電風雨頗至用東坡韻

今日上元夜例是月華天正值狼氛靜掃同慶中興
年豈料轟霆駭電倏又猛風奇雨驟做十分寒把酒察

天意將信半疑閒 嗟多少遭浩劫付長眠縱然明月
千里照得幾家圓諒是天公不忍但願人心自省莫便
說安全試想凍雲裏皓魄自嬋娟

承

齡

字尊生補洲鎮黃旗人道光十
六年進士官

有冰蠶詞

蝶戀花

日日江樓還獨凭潮去潮來舊恨難重省百折千回流
不盡斜陽一桁珠簾影 海燕歸時花徑暝月色銀黃
照見雙棲穩一霎春寒催酒醒春來料理傷春病

臨江仙

往事零星難記省思量常是經年酒濃香殢困人天綠

雲斜壓一枕夢初圓
芳徑繡屏都未改祇應閒了秋
千微波重與致纏綿
蕩然驚斷歸燕蹴箏絃

露華

豆花同金蘭舟賦用王碧山體蘭舟時有歸思故調之

槿籬草草莫隨他
菊蕙同怨西風紫雲一簇無人知道
秋濃脈脈暗香吹遠
妒曉妝無限春紅渾未稱釵梁綽
約鬢角玲瓏
空階乍鳴涼雨又月色疏疏
曉徧寒蟲
低棚話晚淡煙點破牆東
棖觸田園歸思盼碧天應有
飛鴻雙燕小蛾眉誤卻鏡中

憶舊游

和吳彥華見懷

望南飛鶴影出塞行雲曾共徘徊
錦字回文寄怕鴛機

織就不是新裁琵琶待譜春怨人在白登臺祇兩地飄
零關前雪擁陌上花開重來向燕市便擊筑悲歌誰
與啣杯忽忽中年近縱東山絲竹難遣愁懷一麾欲去
江海荒徑問蒿萊但落葉蕭疏高齋又聽秋雁回

雙雙燕

白燕

玉釵股上共么鳳輕搖舊時曾見鉛華淨洗漫問漢家
宮殿催得柳明花暗掠飛絮風前零亂留他月影雕梁
屬付晶簾休捲芳院梨雲片片正蜨粉初乾莫拋雙
翦傷春人老憔悴雪香煙暖翻妒愁痕太淺想一縷紅
絲猶罨樓中縱有春風也恐鬢華早換

姚斌桐

字秋士漢軍人道光十六年進士官兵部主事有還初堂詞

青玉案

秋來怕照潘郎鏡繁華夢過無影百罰深杯拚酩酊糟
邱臺畔華胥國裏覓箇清涼境更闌門掩人初靜四
壁悽蛩暗中聽濁酒無情偏易醒鴨鑪消炷羊鐙無焰
簷雨絲絲冷

高錫蕃

字已生烏程人道光十七年舉人官教諭

滿庭芳

秋海棠

弱質煙敲香心粉彈一簾秋翠幢幢似含愁怨獨處未
成雙吹過幾番暮雨唾脂痕不上紗窗苔階畔淚珠如

洗和夢到湘江 琤琤還聽取佩聲來近別具幽腔正
寒蛩露咽瘦蝶風降輸與濃妝沈睡照深夜高剔銀釭
春歸後爲君腸斷空酌酒盈缸

周祖銜

字仙橋商城人道光十八年進士官湖北同知咸豐三年遇亂殉難

減字木蘭花

靜垂銀蒜一桁珠簾閒不倦早被東風吹落瑤階芍藥
紅 蜂衙放午金鴨香殘慵更炊梟盡游絲正是鶯酣
蝶困時

呂倌孫

字心田陽湖人造光十八年進士官紹州知府

高陽臺

黃蓼花次潘絨庭韻花產內閣典籍廳今寄歸吳下植乃兄功甫所居鳳池園

千尺涼波一簾秋影連牀夢入江天仙掖移根看花暗
憶當年東籬合併黃花瘦倚疏枝金粟勻圓試披尋淡
月依稀芳緒纏綿月湖回首風霜緊任輕紅淺白搖
落洲前明州月湖多紅白蓼花芳草天涯舊游如夢堪憐雲根珍
護宜天上傍薇垣深染鑪煙鎮相思葉底蛩吟花底鷗
眠

吳嘉淦

字清如吳縣人道光十八年進士官戶部郎中有儀宋堂詞

淒涼犯

思樹齋消寒分賦得廢池

冷波影溼鋪雲絮寒塘幾處岑寂柳衰綠暗芙蓉凋翠損
亂嵌敲石前游記憶有私語鴛鴦對立牘而今荒叢鷺

白莫問舊消息 留遣山公醉可惜花殘酒醒霜夕凍
苔徑滿早全忘謝家春色古木蒼涼看歸燕猶尋故宅
怨年年只有皺水自漸碧

霜葉飛

落葉

昨宵翦燭驚殘夢蕭蕭窗外催響早離庭樹下空階無
分棲簾幌料望斷楓灣荻港人家寒徑迷深巷更細草
斜陽送獨客秋心碎盡馬蹄原上空憶繡幕鈴懸鶯
棲夢穩楊花翻笑飄颻一般憔悴到籬根和月和煙葬
怨不似深紅淺絳飛來還得高樓傍算夜來辭風雨了
卻前番聽伊惆悵

齊天樂

鴿鈴

綠楊影裏絲風細遙天度雲聲遠繫項圓分梳翎綴巧
清脆依稀成串餘音未斷和片鐵郎當那家庭院莫更
低飛護花繩索踏柔軟紅闌凝望甚處正開籠試放
新韻初換寄與封書驚殘好夢抵得流鶯輕喚芳春晝
暖聽小閣兜回倚窗人倦屋角喧晴繡簾還又捲

又

中秋坐雨

廣寒瑤席停蘭筍姮娥倦歸深院匳鏡塵迷冰壺彩黯
未許仙姿輕現星稀漏轉有幾點微雲淡遮銀漢瓜果
登盤世閒兒女費消遣良宵盼來第一記頻年聽雨

添了淒怨桂樹巖幽蘅蕪徑窄悵望瓊樓人遠秋期漸
晚又節近重陽物華摧換就菊東籬采香休更緩

如山

字冠九滿洲人道光十八年進士官四川按察使

唐多令

題陳息九香草詞

瑤草寄幽心年來蘊更深甚無端悲感交侵說與旁人
渾不解閒按拍作秋吟風月且開襟鶯花付淺斟問
滄桑幾度湮沈酒入愁腸都化淚休提起古兼今

揚州慢

次韻答俞芝恬見懷

花妒詞妍月憐詩瘦遣風吹散鷗盟祇秋心一縷尙許
住愁城是誰把天涯熱淚疊箋緘贈偏恁多情向篷窗

低誦空江潮也吞聲 旅懷寥落最難堪雁語淒清記
綠酒飛觥紅闌拍曲疏放曾經舊日夢痕無著凝眸處
但賸雲停算青山青外相思應念長行

石贊清

字襄臣貴筑人道光十
八年進士官工部侍郎

滿江紅

贈孫崧甫卽題所著秋棠吟榭詞

擲地金聲原知是君家本色卻不道紅牙按處者般合
拍秋思澹於宵露冷春情撥得寒灰熱更銅琶鐵板唱
江東唾壺缺 頻潑倒燕山雪增惆悵薊門月歎風塵
潤跡項憑誰說弱水易迷蓬島路清詞空畫旗亭壁怪
文章憎命古今同爲君惜

唐多令

山塘酒廬題壁

一片雨濛濛輕寒壓翠篷又垂楊低舞橋東雪絮煙條
多少恨遮不斷小樓紅帘影百花中客愁和酒濃祝
韶光且莫怱怱二十四番春似錦纔數到海棠風

孫

超字崧甫江蘇通州人道光十八年
進士官甯河知縣有秋棠吟榭詞

清平樂

畫長宵短愛把重衾戀忽聽流鶯窗外囀夢與箇人俱
遠不愁相見無期祇愁誤過芳時試看水晶簾外層
層開到荼蘼

越溪春

秋聲

一片愁聲驚客枕。天氣乍新涼。淒淒攪得離腸斷。聽不分。衰柳池塘。蟬曳殘機。雁分哀柱。蛩咽幽簧。捲簾斜月。昏黃。霧氣浸迴廊。更兼三點兩點細雨。和風灑上孤窗。獨坐彌增蕭瑟感。怪更漏偏長。

法曲獻仙音

秋夜有懷

夜永於年。天寒似雪。松影暗侵庭戶。蟬咽殘枝。蛩吟敗壁。叫徹五更星露。奈人在天涯外。何時再相聚。暗凝佇。對西風轉。傷情素。誰更念。淚眼盈盈。相注第一可憐。背向瑤堦。攜手低語。怎奈而今。鎮淒涼。獨自情緒便好。音頻寄。難寄離愁千縷。

夏日燕蠻堂 感舊

最銷魂。是西風冉冉。落葉紛紛。暮雲千里。認流水孤村。
中年絲竹常增感。任并刀、難翦情根。溯歡悰。前度疏星
入牖。涼月當門。舊事了無痕。歎愁多。迸淚夢亦成塵。
一腔幽恨。哀怨與誰論。棲鴉繞樹。鳴悽惻。也只因。隊散
羣分。又淡煙幾縷。斜陽一抹。已近黃昏。

瑞鶴仙 戊戌北上留別張雲溪

華筵消永晝。正秋老梧桐。霜寒橘柚。陽關三疊奏。又征
車已駕。僕夫催驟。數聲清漏。偏只向耳邊吹逗。念明朝
便是天涯。一路斜陽疏柳。執手滿腔心事。無限愁衷。

尊前細剖傷今感舊歡娛境誰能久歎從茲冀北江南
遙望冷了松窗月牖怕他時縱得相逢都成白首

泛清波摘遍

秋雨連綿夜不成寐感而有作

愁風愁雨歲歲驚秋何事今年秋更早煙圍霧裏不放
晴光出林表情悄悄梧桐葉底蟋蟀聲中輾轉催人雙
鬢老矮屋疏櫺賺出青衫淚多少鄉夢杳五更宿酒
初醒四壁哀蛩亂叫空對殘燈短燄神思繚繞啞然笑
壯志已逐浮雲別恨更隨芳草縱有金尊玉液與誰同
倒

姚輝第

字子箴輝縣人道光十八年進
士官江蘇知縣有菊壽庵詞

采桑子

停鞭且貰燕南酒銀燭初銷銀漏初遙指冷旗亭紫玉
簫花冠又促征軺發風葦蕭蕭沙柳條條曉月寒星
十二橋

踏莎行

題嫩寒春曉圖

漏翦啼痕香拖夢尾曉風吹白牕兒紙金鈴迢遞海棠
陰十三樓上天如水 簪翠猶溫闌朱漫倚汀洲只在
垂楊裏春來不是怕鈎簾鈎時怕帶春愁起

又

于役申江舟中題張次柳詞稿

照夜神珠壓囊奇錦風流再見張三影把君行卷過吳

淞春愁載滿瓜皮艇 挑盡蟲缸烹殘鳳餅簫聲吹得
鴛鴦醒船孃貪聽斷腸詞推篷忘卻梅花冷

浣溪紗

雲閒晚泊感舊

碧月彎彎玉一痕角聲初下麗譙門畫樓燈火又黃昏
三月春愁濃似酒十年舊夢遠如雲半湖煙草綠銷
魂

滿庭芳

城東王府基乃張吳故宮遺址殘碑斷瓦
猶滿荒煙蔓草閒秋晚閒行淒然憑弔

老木歸鴉殘萼馬女牆迤邐斜陽梧宮片月何苦照
興亡休怨沼吳西子千載後又幾滄桑君不見秋風壞
圃菜葉爲誰黃 紅羊銷劫火銀鐙換夢翠幄移香更

金迷紙醉往迹都荒多少愁煙恨水當日
是畫檻珠廊
還留得籬花一角蛩語說淒涼

祝英臺近

題次柳花影盒填詞圖

夜寒輕春漏細人在繡簾底自譜春愁自把玉箏倚愛
他明月欄干稠花亭館好一片靜悄悄地
畫中意多
少密朵疏枝交影亂文砌絳燭銷無安穩海棠睡問誰
蜀錦攤牋越瓷量茗須添箇小紅雙髻

水龍吟

蘆花

幾重撩亂溪雲篩瑤碾玉秋無縫紅橋慘恨畫船織暝
霜融月凍擬雪還輕如塵較軟壓愁偏重正老漁醉卧

煙蓑嬾脫和萬點秋心擁 比似離情千種趁歸帆帶
寒遙送微茫一水蕭騷萬葉做成淒諷紙閣編簾柴門
縛帚山家清供更誰將布被勻裝密絮裏鴛鴦夢

八六子

春暮病懷

擁鸞衾湘簟麝冷小樓連日輕陰念倚病梨花瘦損銜
愁燕子歸遲繞闌自吟 銷沈往日朋簪盼斷加餐錦
字拋殘鑄淚黃金又芳草天涯迢迢春去落紅三月碧
雲千頃那堪憔悴頻移帶眼纏綿懶託琴心夢難尋隔
花更啼翠禽

燭影搖紅

雨泊書懷

落葉敲寒、畫篷人倚涼。鐙語西風已是不堪聽，更送瀟
瀟雨。多少楓灣荻浦，釀秋聲。一般淒楚。蛩邊暗葦，雁外
圓沙，疊成驕譜。暖戀鵝衾，溫磨細裊。丁香炷，隔湖煙。
草翠冥冥，還夢橫塘路。省識天涯別苦。寫雲藍相思，寄
與亂拋紅豆。醉炙銀簧，白吹愁句。

琵琶仙

寒柳

千縷柔黃，記曾見、旖旎春風時節。多少淺碧樓陰，
寒簾掃晴雪。纔幾度、嬌眠喚起，又聽過、露蛩鳴咽。
倦倚荒煙，寒篩碎雨，都是愁葉。漫回首、輒翠濃金間，
消得離人幾攀折。悵望畫船何處，悔當時、輕別更休。
憶章臺歌舞，

有舊家眉黛淒絕臘與紅板橋西玉驄嘶月

換巢鸞鳳

寒夜同人小飲秋滿樓卽席有贈

葉落銅溝向枇杷巷曲試覓清游共停青雀舫誰謁紫
貂裘喚茶鸚鵡隔簾鈎道有客來登花外樓纏綿語早
聽徹翠壺寒漏消受鐙邊酒熟盞水沈麝火團紅獸
梅萼橫釵橙香暎翦春到玉人衫袖畫鼓鼕鼕又催年
河橋暗綠千絲柳留僊裙問東風何事吹皺

長亭怨慢

送春

又門外飛花如霰綠樹悵悵玉驄嘶斷報道春歸有人
慵把畫簾捲草平煙晚臘萬疊愁難翦一路子規聲儘

說與東風幽怨 山遠怎知春去處卻比亂山尤遠西
園昨夜應罷卻牡丹芳讌問天涯多少香紅還落向舊
家庭院算約住春痕猶有銜泥雙燕

湯用中

字芷卿陽湖人道光十九年舉人官知縣

水調歌頭 已亥中秋夕北闌號舍題壁

明月復明月又向瑣闌圓此中秋意如水容易十回看
試問瓊樓高處可有清光寸許分得到人閒舉首望空
際夕爽滿西山 更漏轉重簾捲思無端一奩清鏡相
照非復舊時顏剩有秋懷千頃對此澄鮮夜色誰向大
羅傳咫尺欲飛度風露不知寒

呂

洪

字拔湖鶴山人道
光十九年舉人

摸魚兒

重渡珠江感賦

指滔滔暮潮東逝人生不樂何待木蘭艇子沙棠槳裝
點鶯花如海春未艾看燈影星繁蕩漾煙波外歡筵坐
對正桃葉輕盈竹枝清婉風感浪紋碎伊誰信此景
千金難買華年何況易改無情最是江心月照徹頻番
興廢經幾載便滄海桑田冷落鴛鴦隊一江煙靄問霜
後飛鴻簾邊歸燕賸有劫灰在

陳其泰

字琴齋海鹽人道光十九
年舉人官教諭有鴻雪詞

虞美人

宿遷古下村地項王故里祠宇翼然後殿
三疊美人配焉

亡秦三戶含餘憤子弟江東盡虞兮一曲最魂銷留得
千年幽怨續離騷美人甘殉重瞳死漫灑英雄淚若
爲楚舞我爲歌他日漢宮泣下又如何

吳敬業

字恬庵錢唐人道光二十
年進士官詹事府贊善

百字令

分賦得陶侃運甓

中原一望正漫天烽火驚心鼙鼓擊筑投壺安樂甚不
道世情如許抱甕生涯拊膺時事誰解聞雞舞指根成
鐵他年好挽强弩爭奈滿目蒼涼江山半壁眼見成
灰土一慟將軍投甕起有日黃金鑄汝畫角遙傳運船
環集橫塞機槍路杜崱陳敏可憐若輩如鼠

戚

貞

字小蓉錢塘人道光二十年進士官平慶涇道

滿庭芳

題孫崧甫詞稿

組織情絲摩挲淚雨幾回展卷吟哦滿腔幽憤都爲別
離多浪說花迷柳戀空回首一夢南柯銷魂處暮雲千
里相望意如何 年華驚逝水匆匆彈指兩鬢將皤借
眼前風月聊慰蹉跎羨甚高牙大纛算何似緩唱低歌
綠窗靜秦箏低按認取醉顏酡

國朝詞綜補卷四十一

無錫丁紹儀杏舫輯

陳克家 一首

趙起 四首

施燕辰 八首
補詞

張觀美 六首

方鵬 二首
補詞

王從酉 一首

吳國俊 三首

汪适孫 二首
補詞

蔡濬 三首

周尙文 四首

徐渭仁 一首

朱步沆 一首
補詞

袁起 八首

蔡廷弼 二首

戴肇辰 一首

雷文輝 一首

黃鶴齡 一首

秦兆蘭 一首

孫義壘 一首

呂賡治 一首

秦喬章 五首

王潤 一首

陳克家

字梁叔元和人道光二十年舉人從軍江甯歿於陣

金縷曲

次姚丈春木韻寄張詩船方伯蘭州

花發桃林野正風旂翻反在道初辭闕下邊塞百年民
氣樂看取太平婚嫁且謾說麒麟閣畫自古需才才不
易問西來可有蒲梢馬只此意儘傾寫文章何用高
鄉社跨征鞍一朝萬里從公游也呼取涼州千斛酒獨
倚雁邊高榭更浩唱崑崙月夜醉裏乾坤雙鬢在歎頻

年鬱鬱胡爲者書到日正槐夏

趙

起

字于岡武進人道光二十年舉人有約園詞常州陷殉難

相見歡

秋海棠

輕彈粉淚無言晚涼天已分黃花籬落老秋煙
殘月夜疏窗下鎮愁眠試問誰移紅燭到花前

摸魚兒

墨牡丹

似韶華太嫌濃麗寶奩爲卻鉛粉元裳縞袂臨煙闕壁
月素輝剛近妝淡靚是一朵蓬萊割取仙雲影尊前細
認想慵倚闌干指痕將捻殘醉未曾醒
瑤臺畔拚得終朝酩酊飛觴爲酌佳醞妍姿不藉胭脂染恰稱鴉鬢

脩整春晝靜請試數姚黃魏紫誰堪並群芳漫逞縱無限芬華梁炊未熟且住黑甜境

菩薩蠻

晚妝慵啟青鸞鏡金鑷煙燼衣香潤風落鬢邊花暗添雙臉霞
蘭釭挑易施心事憑誰話默默倚屏山酒醒
羅袖寒

采桑子

綺筵私向銀燈祝但照歡容莫照愁容一曲檀槽撥未終
怎知未飲心先醉昨夜東風今夜西風風亦東西
無定踪

施燕辰

字夢玉山陰人道光二十年舉人官江蘇候補道有祖隱莊詞

采桑子

曉窗聽遍茶蘼雨春奈人何人奈花何只悔匆匆誤綺
羅繡檀幙試鴛鴦睡淺夢衾波靚影簾波再盼閒時
病已多

又

嫩寒樓閣春如夢倦試新妝小立迴廊煙絮漫漫正斷
腸青蟲已化飛蝴蝶儘意顛狂有限韶光花外闌干
易夕陽

浪淘沙

笠澤署齋暮春襟感

鎮日雨潺潺和淚輕彈惱春雙燕語呢喃回首繁華真
似夢夢裏江南青鬢漸摧殘憔悴文園碧桃銷瘦袷
衣單一樣樓臺三月暮此地偏寒

長亭怨

張子和大令熙以東風上水圖屬題潦倒
同舟相憐淪滯時春暮也

歎都是孤篷情緒怎沂春潮浪花東去一舸匆匆鷓鴣
聲裏去還住歲華如羽耽幾日成遲暮唱到定風波客
淚滿湘騷蘅杜迴渚悵采芳人遠只見壞雲無數江
南倦旅想錯把柳枝輕誤便早與鼓棹空明已難趁斜
陽歸路但願取乘槎容易銀河飛渡

月下笛

題丁保璽十三樓吹笛圖

月冷橋荒玉人漸老紫簫空喚湖雲蕩晚倚愁曾付芳
檻柳堤螢苑繁華恨奈聽到宮移羽換祇飄零錦字青
萍流水幾聲悵斷 依黯無家怨記十里春風翠簾都
捲瑤華夢短忍禁朱履星散關山重譜鳥飛曲早淚影
題箋盡染亂紅外話羈情惟有棲香小燕

三姝媚

金眉生廉使書來道今昔哀樂之感振觸客懷漉然按拍似與簫聲相應答也

煙花三月路正天涯孤舟載愁來去錦字封題道俊遊
都散綺懷誰訴亂樹啼鴉春漸晚落花無數羅袖單寒
已怕傷春况傷遲暮 謾憶承平歌舞但滿目山川漫
漫飛絮舊日樽罍恐越溪吳苑久成榛楚斗帳東風吹

夢到故鄉何許夢也難憑還倚燕煙聽雨

臺城路

當時賓客飄零盡星星那能不老浦帶墩黃溪添黛綠
歷亂暮帆煙草空廊晚照記金粉池臺那回歡笑換了
東風畫眉也換舊啼鳥簪裳曾聚翠窈試泉人去後
雲雨都悄北里妝慵東林社散誰念承平年少離情暗
擾怕夢也仍狂被花重惱回首簫樓玉塵休更掃

摸魚兒

袁江遇亂途次感賦

倚疏櫺袖羅紅溼微波初託誠素縱橫壁壘閒身在羸
得玉環分付難忘處算祇有湘騷蘭茝情終古歸期細

數怕錯覓封侯釵盟負也蟬鬢共遲暮
春風曲認取
韋娘眉嬾寄聲應是何許淮流不斷鶯花夢誰使暮驚
聲鼓堤上路知多少啼妝怨蹙行雲去鷓鴣聽否道滿
地江湖連天煙雨愁把海棠誤

張觀美

字研狄建德人道光二十年舉
人官廣東知縣有寄影軒詞

河傳

倣溫飛卿體

隄畔雲亂柳絲低搖漾輕烟欲迷日斜碧欄鶯正啼前
溪綠苗鋪嫩黃倦枕雙扉侵翠蘚愁莫遣強把愁眉
展約鄰兒趁芳時攜卮醉歌花裏詩

眼兒嬌

簾眉癡蝶颭微風香雨亂飄紅海棠絲暈櫻桃顆熟一
桁陰濃 前遊回首真成夢夢更杳無蹤銷魂況在楊
花影裏杜宇聲中

百字令

莫愁湖

湖光如鏡讓盧家少婦千年占斷山似修眉雲似髻隱
約六朝紗幔圖畫春風烟花勝地留與遊人玩夕陽初
霽半篙漁艇輕泛 如許一片風漪樓頭賭得竟向楸
枰換昔日王孫今落魄兒女英雄同歎疎柳雅棲敗荷
鷗歇憑弔來清楚浪淘千古往來如此泡幻

高陽臺

九月二十二日由興甯回河源營次宿岐嶺客寓作

鴈度浮雲雅翻落照停鞭幾度思量荒驛烟迷殘條細
認垂楊征塵吹老絲絲鬢又重陽落帽風狂最堪傷暮
色昏黃燈影淒涼離亭易斷春來夢慣并梧桐雨籬
菊搖霜藉酒消愁愁心轉起啼螯沈郎吟瘦雙肩聳盼
寒衣仍是空箱漸宵長迷蝶無蹤曉夢微茫

揚州慢寒夜有感

門鎖烟寒屏搖雲冷風光又是深秋聽窗敲落葉和短
笛聲幽自青鳥音書斷後閒盟鷗鷺冷落蘆洲悵絮花
蹤跡寒空一任沈浮舊遊夢香怕回思紅板橋頭問
鈿合香分鏡奩采散好伴誰留璧月影移闌角花魂瘦

欲拍還休盼瓊樓縹緲鸞笙何處清謳

水龍吟 竹簾

莫誇煙月相宜幾層影疊湘筠細檐牙檻角雨絲斜裊
雲痕低綴下卻雙鉤淺熏檀炷暗留花氣任嵐光杳靄
波紋蕩漾迷離處吟情寄最好夕陽掩映盼烏衣衛
泥歸未迴文織就綠分清簟斑斑珠淚卻愛朝朝霧中
花好看梳雲髻只銀蟾隔著穿來曲曲訝冰花碎

方

隲

字雲泉仁和人諸生
官同知有疏影庵詞

齊天樂

汪又村出示宋芝山爲南湖徐氏歌姬所
繪華隱樓圖張燭前遊愜然題此

峭風晴捲湖邊雪聞愁與春俱遠燕子簾空薜蘿巷靜

零落翠尊檀板新詞幾卷任花落旗亭儘教腸斷澹月
疏鐘夜深涼醒舊鷗伴蕭疎無幾水墨認樓頭客好
猶是歡譙柳學纖腰山邀淺黛無限當年情款晶簾自
展只回首萍踪水流雲散古塔頽陽豔遊誰更管

高陽臺

慰沈竹齋悼亡卽題其夫人阮媚川慈暉館遺稿

月冷紋窗香消翠縷凝塵積滿湘絃人去幃空柔腸已
斷經年除非夢裏相逢乍奈鰥魚醒枕難眠近闌干一
搦腰肢垂柳風前行吟都是傷心地祇賃笛裏玉疑
佩珊珊粉盞脂箱零星怕檢遺篇簪花瘦格叢殘稿總
啼鵲血灑成斑惹情牽暝寫晨鈔愁損朱顏

王從西

字蘭谷漢陽人官直隸巡檢

金縷曲

題孫秋棠詞稿

著眼雲霞麗捧瑤編鏤金錯采者般旖旎吟到纏綿悽
惻處直令人爲情死不自解緣何如此鐵板銅琶成絕
調更曉風殘月誰能繼歎李嶠信才子分唐界宋原
多事掃群言毫端別放心花意蕊老去風懷猶未減誰
識濁醪妙理有多少清商流徵學步邯鄲慚我拙立春
風願作閒桃李香一瓣自今始

吳國俊

字伯鎮江甯人官福清知縣有知不足齋詞

虞美人

題蔡小石太史牛女渡河卷子

碧天如水羅雲淨半臂寒猶嫩夜來瓜果燦閒庭多少
人家兒女拜雙星仙山樓閣重重護似有雲輶駐漫
將佳會擬神仙不道匆匆分手便經年

祝英臺

客中春感

雨如絲風似剪閒向曲闌倚新碧潭潭春色已如此看
他雁齒橋橫鴨頭波漲且莫負流鶯聲膩游倦矣可
堪無定浮踪依舊泛萍似帆飽舟輕又把水程紀誰憐
一樣韶光及時游冶終不是故園情味

金縷曲

興宜泉明府以自題停琴佇月圖見寄索和依調奉答

一幅吟箋寄是河陽風流仙令畫成詞意苔徑幽深松

菊茂香露暗沾濃翠。嫌人與胎禽無寐。撫罷冰絲虬漏
悄盼涼蟾花外來。猶未拚獨向石牀倚。勝遊欲記。渾
難記。悵年年萍飄沙散。人生能幾利。繫名羈。還自笑漫
說歸尋煙水。且料理琴樽同醉。古調重彈誰解聽。算多
情只有嬋娟子。休隱在碧雲裏。

汪适孫

字又村錢塘人官州同知有甲子生夢餘詞

喝火令

醉頰含微暈。纖眉試淡妝。袖羅風峭夜初涼。何處一枝
橫笛吹斷箇人腸。想入鑪烟幻。愁和漏點長。別來如
夢說來詳。幾樹梧桐濃覆小紅牆。幾扇鈿窗臨水窗外。

鷓鴣

帶人嬌 鵝黃李

龍月城邊定北蟠桃熟早縹碧紫交相映照鵝兒色淺
似花鈿窈窕懷袖底微有麝臍香繞 杏子衣單柿綾
帶小待博取同心相報玉華夢遠更連枝人杳和酒汁
借爾駐顏尤好

蔡

潛 字熒堂無錫人官河
南縣丞有檀竹齋詞

生查子

蟋蟀正悲秋雁語來相湊簾幙捲西風新月如人瘦
今夕夜何其數盡蓮花漏誰悟木犀禪鼻觀香先透

浪淘沙

題平湖秋月畫冊

曾醉洞庭秋又到杭州桂花香裏儘勾留綠樹紅亭隨
意坐月上簾鉤試買木蘭舟棹向中流銀蛇爭齒水
晶毬任是勞人愁萬斛都付閒鷗

高陽臺

虎阜真娘墓

劫換情天香埋勝地錢塘蘓小齋名莫問當年蛾眉直
恁傾城無端已作沾泥絮甚因緣得傍禪扃恐曾經悔
海種情根惜微三生東風長徧紅心草看可中亭榭
三尺孤縵欲叩芳魂依然水碧山青歡場誰是知音侶
只花間燕燕鶯鶯軟飄零一樹棠梨又近清明

周伯文

字釋香象州人官廣東知縣有小遊仙館詞

菩薩蠻

秋風吹破梧桐影池塘水淺鴛鴦冷澹沱夕陽天芙蓉
紅可憐 爪筵纔乞巧又是中秋了明月照樓心樓心
幾許深

好事近

客夜

夜氣逼疏櫺那禁月寒霜冷聽到荒雞三唱恰村更將
盡一羣征雁起平沙殘夢又驚醒迢遞家鄉何處只
天涯偏近

洞仙歌

箇人咫尺在銀塘西畔金漆雙扉鎮長掩任衾痕疊翠
帳影流黃閒自把十二闌干倚徧時當三月暮畧記
前宵笑燼燭圓耐人看莫唱惜分飛花太嬌紅終未免
粉愁香怨歎如雨狂風正紛披早一寸心灰九迴腸斷

瑣窗寒

春陰

漠漠非煙濛濛似霧淡濃雲翳朝晴不穩釀就薄寒天
氣怪天桃將開未開東風竟日長如醉任柳腰舞困迷
離倦眼乍眠旋起空際重凝睇早麴漸生塵鉛仍成
水飴簫巷陌卻又冷清清地悄無人苔痕上階熏鑪香
撲簾影膩只些時燕暝鶯昏好伴春憔悴

徐渭仁

字紫珊上海人
官候選知府

雨中花慢

翠擁濤翻鷺鷥魚散淒涼怕上層樓幸溪山深秀院宇
清幽一片浮雲冉冉半灣流水悠悠曲闌倚處驚心又
是風滿蘋洲 閒門晝掩花信催殘天教嘗盡閒愁禁
幾度珠飄粉墮春又成秋不分十年一夢魂銷杜牧揚
州何堪重見湘簾窳地圓月當頭

朱步沆

字沁泉長興人
貢生官訓導

瑣窗寒

寒閨病起圖爲湯德媛女士題

雪綴疎林風淒曲院畫檐虛靜零脂膩粉換了藥囊茶

鼎炷薰鑪雙飄篆雲轉因小極塵根淨但翠帷半捲依
依相對玉梅嬌影芳徑煙霏暝又幾日不來屐痕苔
凝擁髻沈吟未減年時風韻證三生天遠四禪綺年錦
瑟還暗省倩檀奴檢點神方好駐璇閨景

袁

起

字竹畦錢塘人官江蘇
縣丞有畫延年室詞

憶王孫

自題畫軸

濃霜一夜透窗寒染得江楓葉盡丹分付西風莫捲殘
倚闌干留當花枝隔水看

惜餘春慢

花魂和瑤華妹韻

縹緲疑仙微茫是幻雨泊風飄無定已分色界未剷情

根還怕蝶蜂勾引重捲新綠簾鈎粉墜苔階香消莎徑
逐行雲莫向夢中飛去賺人芳恨空悵望剪紙難招
傷春易老費盡幽懷吟詠輕憐欲斷小不禁銷誰瘞一
鋤煙冷環珮珊珊夜歸認不分明月中嬌影任癡無管
東燕陌鶯隄繞盡

滿江紅

得友伯兄書驚悉又村弟攝上海令殉匪
難招魂祭之時柔吉妹先於金陵殉難

因耗驚傳頓令我肝腸摧裂渾不信凌霄荆樹一枝先
折百里豈堪酬夙志九原遽慟埋忠骨嘆無家難慰白
頭親空啼血訝小醜何猖獗悼壯歲成長訣是功名
誤爾恨憑誰雪同氣慘罹兵燹劫英魂定掃妖氛滅任

彈枯老淚不成歌悲彌切

渡江雲

征鞍甫卸又作吳門之行舟中岑寂漫成一詞

津亭重換棹西風瑟瑟疎柳咽寒蟬片帆衝落日悄倚
篷窗好夢羨鷗閒還鄉似客數涼蟾纔幾回圓吟未了
江南秋色菊瘦蛸肥天誰憐飄零身世北去南來似
霜空征雁書不盡相思字字欲斷還連歡場長怨良宵
短怎天涯今夜如年歸夢杳也須強擁衾眠

南浦

消寒雅集分詠南湖春望

新漲乍平堤被東風吹下落紅多少鳩外雨初晴垂楊
岸便有湔裙人到煙波渺渺春光怎似江南好畫舫清

歌閒載酒撐出板橋斜照 故人慢怨書稀奈還鄉有
夢也都草草客緒正無聊那又是寒食清明過了年華
易老花前莫惜金樽倒且共天涯知己醉休聽鶉啼林
杪

疎影

絮影和瑤華妹韻

垂楊院宇看暖風乍起飄散無數畫出殘春冶思愁痕
偏弄夕陽明處纔穿蛛網沈簷角又淡拂湘簾飛去恍
覩來比雪模糊描上紗櫺如霧 曾賺玳窗睡起硯池
輕墜入纖指拈聚暗逐殘紅悄墮雲屏燕子欲銜難住
顛狂慢詠沾泥句怎惹得玉階煙雨記黃昏人倚雕闌

更向月中低舞

摸魚兒

潔齋六叔召游虎阜

趁新晴尋秋恰喜今番嫩約纔準斜陽一棹輕於葉同
訪舊時金粉波似鏡照雨雨三三來去驚鴻影蘭橈忽
近愛風送氤氳隔船花氣吹自綠雲鬢繁華夢幾杵
蒲牢喚醒禪心偏自清淨英雄兒女休重問劒氣珠光
銷盡煙欲暝看繞塔紅燈點上琉璃頂歸扶酩酊訝眉
月羞人蟾輝又掩篷背雨聲聽

金縷曲

山中守歲

燼燭茅茨坐念勞生匆匆又是一年虛過且酌屠蘇聊

錢歲莫問江干烽火待逃入醉鄉高卧叵耐愁魂眠未
穩被聲聲爆竹旋驚破思往事嘆今我從來不把雙
眉鎖奈頻年驚傳風鶴室家遷播僂指燈前回首數豪
氣幾番摧挫但早祝旄頭星墜快聽春風傳凱奏掃妖
氛四海昇平賀山夜靜唱誰和

蔡廷弼

字調夫德清人貢生官蘭溪訓導有太虛齋集附詞

更漏子

促織

殘月底殘更裏唧唧如鳴得意纔罷輒又鳴梭奈他愁
緒多荒草亂柔絲絆聽得聲來枕畔風淅淅夜迢迢
有人魂欲銷

滿江紅 春柳

淺淺眉痕似眠起含顰欲絕看柔腰瘦餘一搦欲舒還
怯已是章臺空寄恨那禁灞岸重傷別只依依不改舊
時情休輕撇春山淡春愁結春水漫春流活早昏鴉
去後新鶯啼徹有美樓頭凝遠睇更誰坊角尋遺跡念
樹猶如此我何堪增悽咽

戴肇辰 字友梅江都人
官廉州知府

金縷曲

讀張君硯秋寄影軒詞時君往牧嘉應率
題是解卽以誌別

咳吐生珠玉想頻年墨磨盾鼻雲隨馬足鐵板銅琶饒
雅韻不數風流玉局草露布鏡歌相續回首鄉關何限

感鎮無聊裁菊憑紅綠裝七寶眩心目 愧余宦海浮
踪逐恨人生名繯利繫俗塵盈斛明月瓊樓何處是陶
寫端須絲竹枕聽奏霓裳新曲程水梅峰多景勝願停
琴更展琅玕腹傳治譜待重讀

雷文輝

字竹泉江蘇華亭人官刑部郎中

摸魚兒

題載菊圖圖爲黃研北司馬因葉桐君司鐸松陵移菊往贈繪以索詞卽次原韻

指吳江西風一舸好秋剛到深處同舟偏有黃花伴不
似拏將官去催雁櫓只捧檄毛生權當班衣舞花應笑
汝只冷屋三間瘦羊幾箸換取折腰苦 扁舟約載酒
重溫笑語玉峯峯畔延伫聯吟得箇陶徵士未許謝家

爲伍情縷縷惜冷落家園錯似中州鑄舊游成趣想小
石林中嬾漁舫裏冷香譜

黃鶴齡

字浣雲嘉應人監生官布理間有不暇嬾齋詩附詞

八聲甘州

與丁杏舫別十年矣今以歸妹來臺得相握晤賦詞見贈依調答之

正西風吹老碧梧桐海外喜萍逢念戟門聽鼓侯門挾
瑟一樣倥傯不分赤嵌城畔重翦燭花紅一十年閒事
逝等飄蓬聽說艱難負土更爰占歸妹遠趁飛鴻問
鯨噓鰲擲壯覽幾人同看依然襟情似雪只飄蕭鬢
漸鬢鬆怎怪我鬚眉霜染頭腦冬烘

秦兆蘭

字少園嘉定人官候補道

水調歌頭

薊北香裏填詞圖爲張嘯峰題

風月是詞趣君獨會悠然一花一佛世界寫影妙鬢邊
無數嬌紅膩綠化作鏤金錯彩秋露意珠圓參到最深
處香淨入壺甌 乘涼夜鋪涼簟譜涼絃飛來天外好
句細細縷絲穿老去重慕綺靡多少心房團結汝意亦
儂蓮海上續鷗夢還賭舊時箋

孫義鏗

字子和吳縣人
官浙江通判

齊天樂

小姑祠畔秋陰重暎煙坐凝孤悄薜際蛩吟柳邊蟬咽
併入斷腸淒調雙鬟唱好恁垂盡湘簾倚闌人香笛譜

拋殘可憐潘鬢多少 華年都賦錦瑟怎香銷燭灺
塵簾慵掃蟾鏡梳雲鸞箏絮月容易惜春春老風寒露
曉有幾許離情幾多愁抱悵望香燈鳳樓憑夢到

呂賡治

字小滄臨桂人
官廣東巡檢

摸魚兒

奉題張硯秋刺史寄影軒詞

沁雙眸一編冰雪平添無限延佇清才快得江山助多
少壯懷孤緒腸斷處是三影前因遙證銷魂句烏絲細
譜儘塊壘填胸干戈滿眼頻喚奈何許 豐山下新結
煙霞俊侶詞壇重建旗鼓好將宦海浮沈感都付零商
碎羽牢記取更有箇天涯同調耽吟苦知音漫調祇少

日聲華中年哀樂回首共酸楚

秦喬章

字初尚金霞人官信陽州巡檢有微雲山館詩

點絳脣

極目斜陽重來燕子渾無信清明節近入夜東風緊

開盡梨花庭院悄悄靜誰相問量愁較恨端正春來病

卜算子

寂寞雨中花憔悴堤邊柳今日吟鞭過畫橋當日來時

候吹去更回頭離緒濃於酒一一珠簾盡下鈎人在

樓中否

木蘭花慢

醫巫閭山有白石側立山半苔痕點處
月日宛然隔巖望之娟若好女風吹蘿

帶飄飄欲仙俗謂之仙人影云

豈瑤姬歸去留幻影數峯間怪慧質三生靈根一片未
到娜嬛寂寞巖阿千載算巫閭猶勝小姑山鬢影細添
石髮眉痕輕點苔斑仙踪已是落塵寰何處更驂鸞
恐雲想衣裳風飄環佩不奈秋寒水霜縱然慣愛間上
清淪謫幾時還回首玉京迢遞碧城十二闌干

二郎神

輓吾郡俠士王月村鈞時因被誣投水自
明其所罹姬楊蘭仙慷慨從死

十年遠別最不料今生已矣憶君上井陘我歌出塞目
斷雲山迤邐翳燭未酬西窗願忍遽作騎鯨仙侶更嬌
小桃根甘心玉碎人間有幾猶記阻風中酒畫撓同

倚甚不惜鴻毛輕填魚腹此恨綿綿曷已駿骨蛾眉者
般圖送我欲問天何意又何忍重過黃公壚畔夜臺知
未

摸魚兒

塞外聞寒鴉聲誌感

寒雲橫朔風漸勁栖鴉落地驚起半山落照楓林黯催
送滿天寒意撩亂際將萬古離愁攪入蒼烟裏呶呶未
已又一隊元裳數行墨羽盤過雁山尾 家何在念我
輕裝似紙征衣九月未寄年年勞爾相呼切不似賓鴻
游戲須緊記莫飛近昭陽惹妒閒羅綺繞枝無計有遠
岸枯楊荒祠古木也勝洞庭水

王

潤

字四篁會稽人官江蘇縣丞有自喜齋詞

金縷曲

寄朱子鶴

四壁蒼煙起恰占得湖山幽處倚闌凝睇意氣元龍高
百尺瀟灑更誰堪擬羨常對此君畫裏几淨窗明宜按
拍喜座中左右皆佳士還喚取小紅侍竹山竹屋欣
同志又君家竹垞風調後先差似高唱洞庭煙月曉別
有淩霄情思只幾幅宣和官紙成竹在胸來腕底具森
森萬壑千巖勢樓一角聚寒翠

國朝詞綜補卷四十二

無錫丁紹儀杏船輯

袁祖憲

補一首

趙對澂

四首

楊炳

一首

金泰

八首

魏謙升

補五首

陳宇

十五首

陳鍾祥

三首

顧復初

三首

潘仕成

一首

陳彬華

補六首

王逢辰

一首

朱和義

三首

劉瀄

四首

趙之琛

一首

袁祖憲

字又村錢塘人官上海知縣咸豐四年城陷殉難

金縷曲

秋雁南來淒然有感客懷寥落不自知其詞之悲也

暝色沈淒角正秋江茫茫流水客愁無著斜日灘頭帆
卸早遠浦平沙漠漠間塵海此身何託底事黃昏風漸
緊祇一繩來伴儂飄泊霜意勁酒潮薄低徊往事渾
依約算故園近來煙景儘輸猿鶴卻憶賓鴻辭紫塞一
樣汀洲寂寞經幾度雲停月落鷺伴鷗延期共守甚傷
心情緒全非昨聽津鼓數寒柝

趙對澂

字野航合肥人貢生官廣德學正咸豐十年殉難在小羅浮館詞

虞美人

夜坐有憶

垂簾坐聽瀟瀟雨響答疎蛩語新開小閣近微涼卻怪

今宵似比昨宵長
扁舟猶記來時路
水暖春江渡石
城潮接廣陵潮
待遣離魂先到小紅橋

清平樂

月明如畫花影依人瘦
數盡迢迢清夜漏
一笑戲拈紅豆
自憐青鬢年華消磨半在天涯
聽徹聲聲杜宇卻愁歸去無家

踏莎行

風雨連番雲山重疊
匆匆又是重陽節
黃花點淚上征衫
閑愁嬾向沙鷗說
淮海曾遊家園久別
今宵且醉滄江月
轉蓬踪跡記當年
那堪短夢催華髮

摸魚兒 樓霞道中

莽蕭蕭西風一陣滿林葉落如雨疲驢破帽殘山外人
趁斜陽低度雲過處看密絮成堆隔斷前溪路回頭認
取記黃竹村邊丹楓江畔幾度短筇駐尋思起往日
江湖吟侶東西飄泊何許懷人白盞潘郎鬢祇有飛鴻
同語今又古便題徧新詩誰把輕紗護且圖小住把酒
盞閑斟唾壺自擊低唱舊詞句

楊

炳字子宣江西新城人官浙江同知咸豐十一年杭州陷殉難

山花子

宛宛螢飛照綺疏輕衫新換薄羅襦閒看雙星情脈脈

夜涼初 銀鳳調簧笙語澀玉虬催箭漏聲徐留得一

九無用月伴人孤

金 泰

字改之英山人官浙江知縣咸豐十一年杭城再陷殉難有紅藥吟館詞

唐多令

蓮亭晚坐

鷗雨溼苔磯魚霞蘸碧漪轉清商蘋末輕颺葉葉花花
香不已盡吹上酒人衣 畫檻壓波低微涼裊鬢絲暮
蟬聲柳外頻嘶最好水天閒話處人去早月來遲

蝶戀花

村舍看海棠和匏廬沈丈

雲錦飄空香雨亂一丈紅牆尙比花身短紅得一樓春
意滿銷魂最是斜陽晚 亞字闌干愁倚徧如此芳時

如此閒庭院繡屋秦箏歡會散尊前人又天涯遠

徵招 蒲葵扇

看來依約庭蕉影裁成月輪圓轉入手便生涼訝溪風
低颭休嫌才地軟卻未肯隨人舒卷雪羽冰紈一時論
價恁將伊賤 遮莫蜃窗邊蛟幅裏長近袖羅纖腕摺
印自橫斜乞新詞題徧閒情空自念負幾度南塘秋晚
那得卸五萬歸裝挂布帆風滿

暗香

可憐今夕照一雙畫燭春多無色幾日別離過了花朝
又寒食紅萼憑誰作主蜂與蝶誰真憐惜怎怪得病過

今春低蹙遠山碧 香國暮雨隔算九十日春一般拋
擲底須暗憶便到相逢有何益多少閒情宛轉風外裊
游絲無力賸寫徧羅帕句有誰會得

綺羅香

秋衾

紅浪翻春翠雲窩夢多少銷魂時節一枕西風容易麝
塵吹滅護雙鴛繡閣銀屏早年少豔游疏歇賸孤吟瘦
聳山眉半牀冰透幾遙夕 新寒誰爲念切曾是深閨
裝取吳綿重疊對泣牛衣忍忘那時心跡儘窺人明月
頻來也慵把帳紋輕揭待合歡重證芳期此愁憑細說

霜葉飛

秋林

西風吹到秋千樹霜痕澹寫斜照楓人方倚醉顏紅一
髮成衰槁漸吟得哀蟬倦了長堤髡柳知多少笑幾陣
昏鴉尙爭占一枝高處飛集偏早 回憶石徑停車錦
囊覓句畫圖幽景探討半棧明月挂愁村夢遠江南道
儘日暮亭皋憑眺蛛塵亂撲簪花帽有白雲繞山椒知
是誰家閉門深悄

摸魚兒

題邊君袖石聽雁聽風雨圖

只疏疏不多水墨居然秋意如許一繩涼雁飛無定響
徧一天風雨聽得否偏有箇悲秋人在銷魂處年年聽
取怎怪得青衫者般憔悴絲鬢半霜縷 淒迷甚夢裏

深閨砧杵夜寒吹上窗戶層陰眼底關河隔還憶金臺
倦旅離思苦問何不傳書商畧同歸去人生幾度得小
住家山對牀燒燭遣此歲華暮

齊天樂

爲戴蘭卿題楊柳岸曉風殘月圖

可憐時節銷魂景天涯酒醒人起月不分明風偏料峭
畫出關河秋意垂楊影裏盪一寸離心萬重烟水折盡
長條挂愁牽夢尙如此年時繡簾倚處絮雲吹點點
春滿衣袂擁樹山低橫空雁遠回首妝樓千里船脣舵
尾共翹鸞拳寒瘦蟾凝睇爲問歸程布帆何日理

魏謙升

字滋伯仁和人官教諭咸豐十一年杭城陷殉難有翠浮閣詞

浣溪紗

秋點遲遲第幾更夢回枕上數難清但聞堦下亂蛩鳴
雁足燈孤青又炮蜃珖窗小白初生不知是月是天
明

長亭怨慢

禹航清明懷小園花事

問何故春風暖驟道已清明一番寒透細啄芹泥鄰家
燕子語長晝故人歸矣來踏破苔痕繡寂寞禁煙中聽
巷陌錫簫吹又似舊想家山龍井正是采茶時候
西花事恐容易綠肥紅瘦昨夢見小院藤陰已芝蓋香
雲低覆料鏡裏眉痕應與遙峰競秀

瑞鶴仙

借趙次閑諸公同遊朱氏水亭檻前野水一弓猶是南湖槍然賦此用草窗韻

繞亭山展錦看一勾南湖依然明鏡人來曲闌凭正綠
荷風瑟白蘋波暝湖山吏隱贖蟹舍漁莊遠近問當年
蓬島樓臺爭被冷雲占盡那更前汀雨過隔岸虹垂
一鷗窺影故宮麝粉都分付最悽景便趙家留得無情
山翠也作濃愁薄暈儘蒼涼瘦樹荒煙倪迂畫品

疏影

綠陰

韶華不駐已墜英萬點吹滿煙浦杜宇聲中庭院悵悵
斜陽作去弄淒楚眠琴絕勝花時候正夢繞池亭千樹
認畫簾隱約湘紋隔斷遠山眉嫵曾記清和四月翠

痕潤硯几吟出新句十載光陰盡老螢乾負了蘭成詞
賦如雲似水濛濛地漸看到襤塵微步料有人瘦鞦單
衫愛聽綠天疎雨

摸魚兒

題友人所居畫舫齋

怪無端柔情搖漾綠陰鋪地如水彎彎小徑低低屋况
有垂垂簾子圖共史把一一牙籤插架都排比書窗笑
倚聽竹浪蕭蕭松濤謾謾疑坐畫船裏江湖味我亦
嘗之熟矣閒鷗踪跡如寄十年萍絮三生夢可惜伊人
千里歸棹艤恐未憺留連花月風懷綺迷金醉紙但少
箇吳娘調羹煮酒晚飯舵樓底

陳 宇

字叔安鄱陽人官福建知縣有蒔梅詞

點絳脣

繡口殘絨吹來錯認綢繆印櫻桃開盡啼鳥窺簾影
妒煞新荷照水開妝鏡風纔定鴛鴦睡醒去住全無準
踏莎行 立秋夜作

雨過燈涼風來簾潤西窗一夢何時醒芭蕉特地作秋
聲七分愁緒三分病 梁燕棲香階蛩弔影尋常哀樂
天難問玉繩旋轉斗闕千似聽錢漏今宵永

鷓鴣天

驀地鶯花欲送春最愁消息畫樓人尋常香澤都如夢

子細芳踪易化塵
拈絮果想蘋因
一池煙水碧
皺鱗卻看垂柳成金縷
枉費東君點綴新

解珮令

題丁杏舫聽秋聲館詞話

炊梁夢醒攜柑興逸任逍遙
退閒風月漢上題襟早想
見心清似雪更南游
幔亭宮闕淒淒玉笛悵悵錦瑟
借宮商自舒騷屑
暈碧裁紅有幾許
勝情難歇蕩煙搓
翠瀾飛越

金明池

題柳如是小像卽次其寒柳詞韻

月歛眉痕雲收鬢影
往事都如洛浦繁華夢
朱樓畫舫早吹醒滿城風絮
恨多情燕子歸來似不解陣陣落花

飄舞剝縮定柔條斜陽獨倚自寫傷心詞句
那爲瀟瀟禁暮雨爲絲竹東山平時曾許琴河外
蘼蕪綠未拈紅豆銷魂如故但開奩舊鏡鸞分道
竟日凝愁新妝何苦被尺幅冰綃還留秀靨漫與
春人同語

荷葉杯

昨夜畫樓相對微醉銀燭兩行明憐他珠淚背人
傾不覺惹離情漏盡曉鶯先唱惆悵歸夢太匆匆
一輪初日射窗紅門外又東風

夢芙蓉

泛舟秦淮倚夢窗自度腔

檻燈涼映水漸雲微星淡月斜風細輕舟滑笏
今夜定

須醉故人招一二還隨鷗鷺三四柳拂萍開趁明波倒
影卻見畫闌倚翻笑尊前眼底點染溪山總仗笙歌
沸香消玉珎千古斷腸地小樓雙燕子年年空傍珠翠
只有斜陽照胭脂井畔嬌豔恨無比

垂楊

重游浮舟寺寺在鄱陽之東湖

鶯黃細縷看繞堤已報早春煙樹醉上湖亭廿年重到
愁如許依然飛燕尋門戶杖藜有過橋漁父訴歸來鄉
語生疎問舊巢何處閒對雲堂佛古聽茶版清晨飯
鐘當午故國詞仙勝情偏愛吳興佳輕拋里巷經風雨
暗惆悵遠遊意緒甚明朝又掛征帆隨雁去

齊天樂

梅嶺寄周保緒湯雨生

脆圓猶記江南樹驚心又逢春晚香夢蹉跎寒雲破碎
空慙風髮低顫啼鴉只管向暗碧珍叢背人輕喚怎不
思歸故園花信尙能展停鞭誰則共語到來都是恨
絲眉蓬轉尊俎忘年湖山弔古漫寫南朝哀豔而今頓
遠甚翠羽明珠寶奩塵掩極目關河數行無奈雁

氏州第一

癸巳秋夕寄鄧懈筠中丞

寒鬱江雲波撼岸雪孤飛獨趁南雁夢裏驚絃天涯繫
帛前事空餘倚檻楊柳青青尙記得東風梳染幾點棲
鴉斜陽映水半池春暖自別西園芳意減問何處翠

簾猶卷海上水輪人間玉漏早是心情懶到秋來凝望
久誰攜我浮槎碧漢漫聽宵蛩自淒吟纏綿不斷

尉遲杯

過吳門東董琴南都轉

寒山暮正一舸泛泛胥江渡宵深雪積波明多少瓊樓
玉宇浪遊頻歲早棄擲年華如迅羽念歸來換了煙蓑
舊情猶在絃柱因思象管鸞牋曾題徧芭蕉葉上愁
雨遠寄江南飄零客欹枕唱當年秀句經離別關河萬
里被風吹行雲卻又住傍津亭悵望高城雁聲催過前
浦

法曲獻仙音

題錢子奇寄廬詞

簾影橫波鬢絲飄雪巷陌歌聲猶度困倚書牀醉便琴
薦沈沈半窗寒雨就脆管哀絃裏思量斷腸句儘拋
去待拈來又逢梅萼重問訊江上舊遊伴侶展卷意蕭
疎甚年年同感驕旅過眼飛雲恁天涯吹散還聚但尊
前顧曲不似少年情緒

荔枝香近

但見楊花糝地拋春去不管月透珠簾愁影橫千縷東
風太覺無情綠斷長亭路爲問昔日鈿車向何許凝
睇久空數徧江干樹燕子飛飛還繞舊家庭戶爭奈鳴
鳩逐婦非關怨陰雨漠漠煙迷枉渚

西河

興宜泉有西河之賦此感之

浮生事幻影匆匆如此花飛草長幾陰晴滯人情思階
前乍聽子規啼春風都在愁裏感芳菲惜容易去去
未成歸計遊絲縱解留香綿寄蹤何地園林潑翠香難
尋傷心付與流水憶江南雁拋故壘甚飄零如夢如
醉我亦不堪憔悴怕西堂夜雨來催清淚更掩簾櫳慙
慙睡

瑣窗寒

答米臞伯見和春寒詞仍用碧山韻

鏡掩青鸞樽空綠蟻鬢華凋盡珠愁粉怯靜對蘭膏將
燼過清明雁歸燕來冶春易老殘春近悵送春舊路江

南江北亂煙遙凝
淒景何堪省聽夜半鵲聲又驚鴛
枕尋思好夢負了廿番風信
臘梨雲壓滿瑣窗月斜掃
卻簾外影怪無端料峭東風暗惹天涯恨

陳鍾祥

字息九浙江人官直隸知州有香草詞

水龍吟

一年容易秋風輕羅紈扇都拋了
瀟瀟雨過驚心到耳
聲來樹杪壯士橫戈佳人鼓瑟
一般淒抱向長空試望
沈寥如許閒愁悶添多少
不怪風狂雨暴怪流光催
人暗老何堪又是淮南木落洞庭波渺
秋色平分二分
明月三分殘照有誰人天上閉門
不管把飛花掃

晝夜樂

春閨憶說從征樂，
不信鵲聲惡。
自經人去春來幾度，
花開花落，日暮天寒，
羅袖薄，盼歸帆，頻勞猜度。
忍爲覓封侯，把深情忘卻。
心心兩地遙相託，費金錢燈下卜。
累他愁暖愁寒，聽盡畫簷乾鵲。
一棹西風應早辦，也自悔行程耽閣，縱得慰相思，誤花前初約。

飛雪滿群山

道光丁未奉使察木多卽古前藏地屬青海唐古忒部距成都五千餘里三月初出打箭鑪外積雪猶二三尺雪中嘗開紅蓮花疊嶂層巖風土頓異因繪千峰叱馭圖並題是解

馬後桃花馬前深雪峭風抖擻征袍金沙

江名縈繞冰山

層疊望中青海迢迢酪奴知拜跪最喧雜番僧鼓鐺念

家山遠巡邊戍卒閒坐解弓刀偏愛煞蓮開雪燼儘

馬蹄牛背金步搖搖鴉頭珠絡鞞裙錦簇蠻娃也解吹

簫聽歌莊跳番俗名轉晚風嫋月明柳梢旅魂飛越嶺名鑪

開瀑水橫鐵橋頭道水瀑布甚奇濫定橋以鐵索貫成俱在打箭鑪之內

顧復初字幼耕吳縣人官四川縣丞

江城子

湘江春水綠盈盈數峰青晚煙橫小柳疎疎隔岸弄娉
婷權轉江迴人不見雲影裏望湘靈涔陽極浦看揚
舲按瑤琴與誰聽不是秋時也覺有秋心萬里楚天如

夢遠三四點月前星

百字令

聽客談金陵事

無情楊柳又依依綠到舊臺城路一火紅羊浮世劫燒
得繁華成土跋馬英雄調鶯士女絮捲東風去青山如
夢幾番換了今古君看折戟沈沙殘釵墮井都是傷
心處燕子不知人事改猶向雕梁覓主江畔遺民似聞
歎息欲入棲霞佳當年曾聽杜鵑橋上私語

齊天樂

落葉

無端瘦了青山色霜華夜來淒緊夕照西風蕭疎淡遠
一幅倪迂小景打窗試聽似塞馬羣嘶哀笳孤迸啟戶

看時寂無人處亂成陣
榮枯自來相嬾高梧偏覺早
飄墮金井舫白鷗邊樓紅雁外極目吳江正冷蕭蕭鬢
影只秋士多愁秋娘易病惟有青松歲寒煙翠靜

潘仕成

字德翁番禺人官鹽運使

百字令

題宋高宗書蔡文姬胡笳曲真跡後

晴窗展卷覺黃沙白草邊聲四起快借明駝千里足贖
取蛾眉歸里堂上琴絃城頭笳管斷送人憔悴老瞞豪
舉者番差可人意太息南渡倉皇金風吹斷半幅殘
山水二勝環經拋腦後閒寫饒歌鼓吹雪窖冰天烏頭
馬角多少神州淚孝經遺墨漫勞重取相對

陳彬華

原名兆元字小松吳縣人貢生官訓導有瑤碧詞

十六字令

新涼襲戶涼月窺檐巷曲歌聲時作幽怨旅懷悵觸不能無詞

寒明月簫聲隔畫闌秋衾薄無夢數更殘

喝火令

自題虎山夢影圖

寫恨詞新譜銷愁酒漫斟虎山橋外暮寒侵忍向玉梅
花底香雪費沈吟淚點青衫袖聲淒綠綺琴墜歡空
許夢中尋夢到揚州月夜碧雲深夢到碧雲深處一角
畫樓陰

石湖仙

擬建白石夢窗玉田詞於石湖歌此代引

詞人秋老記圓笠攜筇遊屐曾到清夢幾回圓指微波

芳蹤未杳閒雲孤鶴定愛着白蘋紅蓼斜照水仙祠霧
暗煙繞 當年嘯歌舊地盼重來翩然倚棹水鏡空濛
覓徧吟魂多少羽扇綸巾片香殘葉一番鴻爪尋伴好
詩翁尙有遺廟

夢揚州

夢遊平山堂下彩雲已散風景頓殊醒後
追思不勝悵惘因譜此解用秦淮海韻

碧雲收奈夢雲還自難休豔冶頓銷瑟瑟蘆花搖秋小
雷塘外蘼蕪路那更尋香軟紅稠徘徊處涼生袂二分
殘月凝愁 猶記清狂勝遊看鬢影衫痕畫舫橋頭載
酒聽鶯幾樹垂楊勾留一絲重覓曇華影剩舊時珠箔
珊鈎無賴甚迷離幻境空賦揚州

曲游春

新正作探春之讌酒邊賦此

乍過收燈雨早柳舒梅放煙暗庭院第一關心是香車
花外徑平莎軟約略風簾捲看燕子飛來渾倦愛筵端
鬪畫妍蛾山色對窗平遠 晝短蘭啼珠怨又蠟淚堆
成釵玉敲斷羅綺嬌時惱芳情偏在鬢蟬斜顫故把鶯
期緩莫厭見飄燈湖畔夜來被酒歸眠愁和月滿

尉池杯

題水仙畫冊

珊珊步倚日暮縞袂涼煙素淩波悄自無言生怕酒邊
人語天涯月澹不分又隔宵弄絲雨卻閒愁夢墮微茫
碧天雲影偷訴 洗淨膩粉殘脂向璇室爭妍水骨應

妒風露一庭清漏永悵望裏藐姑山阻前身閒盈流
水更驚起鴛鴦雙宿羽奈征帆樹外潮生洛濱凝想神
女

王逢辰

字芭亭嘉興人
諸生官訓導

百字令

永康諸生徐明英室吳絳雪名宗愛訓導
士駟女工詩早寡有緣華草康熙開耿精
忠狀遣僞將徐尙朝寇浙道永康聞絳雪
美而才欲致之衆慮邑蹂躪謀以絳雪舒
難夷然允行至三十里坑給賊取飲觸塊
死越百七十年名氏將湮黃霽青太守爲
之傳黃祖甫孝廉更譜桃溪雪傳奇表揚
之今而後絳雪爲不死矣

冰壺滌筆寫淒涼眉黛楚絃哀裂顧影素娥憐獨處想
像前身明月心上秋生耳邊火發慘遇紅羊劫家山回

首社鵲花外啼血 堪笑袞袞羣公談兵兒戲應變偏
無策卻借紅顏銷白刃不管綠珠飛屑化石魂歸成烟
夢杳鸞舞蓬山雪長歌當哭溪流同此鳴咽

朱和義

字子鶴吳縣人諸生官國
監典簿有萬竹樓詞

好事近

川江水雲韻

心事最無聊常倚梅邊橫笛猶恨一輪明月照離人南
北 博山香燼易成灰此恨怎消得吹送大江東去有
蕭蕭蘆荻

清平樂

川孫花翁韻

燕簾鶯戶夢斷梨花雨爛錦韶華留不住一縷春魂如

絮 當時記得牆西芳踪跡損苔衣最是動人憐處抱
琴守著窗兒

剔銀燈

題秋賓姪挑燈覓句圖

涼露一天如水聽唧唧蛩鳴幽砌茶瀾龍牙香焚鵲尾
好助長宵風味蘭膏餘幾正好句吟成猶未 幾度挑
殘金穗還自推敲銀字叉手微吟聳肩密咏只有短檠
知已新聲漫倚怕隔浦宿鷗驚起

劉

涪 字孝長天門人貢生
官訓導有雲中詞

菩薩蠻

隴頭西去邊霜冷南來只有沙鴻影淚是別時彈至今

衣未乾 同心難再得坐處留香澤昨夢太淒迷沈吟
還自疑

滿江紅 不寐

臥數更籌千里外霜沈月黑寒夜永鴛衾翠帳總成虛
設旅鬢暗催人老大離心長繞天南北恁百般圖取暫
時眠何曾得 玉臺影經年別玉簫恨三年隔便重逢
誰似舊時顏色燕子不來書未寄琵琶解訴絃應切祇
一燈分照滿天涯同爲客

金縷曲

胡楓香大令 蠟題青衫紅淚圖

天下傷心處最無過江頭送客琵琶夜語楓葉荻花秋

在水欲載扁舟歸去祇今夕暫時歡聚花月等閒消受
盡歡朝來夢去紅顏故翻嫁得買茶賈無端更製相
思譜徧人閒青衫紅粉淚痕千縷南北東西行萬里慣
作荒唐雲雨酒醒也何時重遇斷絕情緣惟有恨笑妝
成枉被秋娘妒空冷落竟誰與

趙之琛

字次閑錢塘人諸生

摸魚兒

題居琴鵑太守耶溪漁隱圖

問耶谿幾番秋雨沙痕新漲多少荷衣竹笠閒來往雨
岸綠陰低繞移短棹算此日優游贏得歸來早沈吟未
了又穿入蓼花撥開萍梗還把一竿釣留連久回首

依微夕照添人幽思幽抱披圖我欲從君隱此日許歌
同調憑書臺須早早安排莫遣韶光老投閒便好聚五
六詞人二三知己狂飲逐談笑